



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-565-8/21**
Datum: **15.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „DELING“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju metalske i elektro opreme, izgrađenih u naselju Šići, Tuzla, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98 i 48/99), donosi:

R J E Š E N J E **o vodnoj dozvoli**

1. Pravnom licu „DELING“ d.o.o. Tuzla daje se vodna dozvola za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju metalske i elektro opreme, izgrađenih u naselju Šići, Tuzla, na zemljištu označenom kao k.č. 3898/1, 3900/1, 3897/1, 3897/2, 3897/4, 3897/5 i 3903 K.O. Plane, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, dinamičkog plana, izvršenog uviđaja na lokaciji objekta i pod slijedećim uslovima:
 - 3.1. Da pravno lice, „DELING“ d.o.o. Tuzla obezbijedi da se sistem za prikupljanje, prečišćavanje i ispuštanje otpadnih voda sa lokacije poslovno-proizvodnog objekta- pogona za proizvodnju metalske i elektro opreme u naselju Šići, Tuzla, održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Da se do izgradnje uređaja za tretman tehnoloških otpadnih voda iste zbrinjavaju od strane ovlaštene firme te da se onemoguću ispuštanje ovih voda u površinske vode.
 - 3.3. Da se do 30.10.2022. godine okonča prikupljanje ponuda i odabere izvođač za izradu postrojenja za tretman tehnoloških otpadnih voda iz AKZ postrojenja i oborinskih voda, prema tehničkoj dokumentaciji koja je bila osnova za izdavanje ovog rješenja, usklađeno u svemu prema aktivnostima i rokovima opisanim u dostavljenom dinamičkom planu.
 - 3.4. Da se do 30.11.2022. godine potpiše Ugovor sa odabranim izvođačem radova za izgradnju i instalisanje i puštanje u rad sistema za tretman otpadnih voda te završe građevinski radovi na prostoru (objektu) za smještaj uređaja za tretman otpadnih voda.
 - 3.5. Da se do 30.09.2023 godine izvrši nabavka opreme neophodne za optimalan rad postrojenja, njeno montiranje i puštanje u rad postrojenja za prečišćavanje tehnološke otpadne vode u skladu sa projektnom dokumentacijom i dostavljenim dinamičkim planom.
 - 3.6. Da se do 31.11.2023 godine nakon završenih aktivnosti navedenih u tački 3.5. ovog Rješenja, vrši za probni rad postrojenja te monitoring da bi se utvrdilo da li su realizacijom istih zadovoljeni uslovi u pogledu vrijednosti parametara efluenta zahtjevanih Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.7. U toku izvođenja svih radova na predmetnoj lokaciji osigurati nadzor nad izvođenjem istih.
 - 3.8. Ukoliko dođe do promjene u toku izvođenja radova u odnosu na projektnu dokumentaciju, nakon izvedenih radova izraditi Projekat izvedenog stanja sistema prikupljanja, tretmana i ispuštanja otpadnih voda.
 - 3.9. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnološki otpadnih voda sa predmetne lokacije, a prije ispuštanja u recipijent, zadovoljio granične vrijednosti u skladu sa članom 14. i 15. (prilog 28.) Uredbe o uslovima ispuštanja otpadnih voda u okoliš i sisteme javne kanalizacije.

- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. navedene Uredbe, arezultate analiza dostaviti ovoj Agenciji.
- 3.11. Čišćenje separatora i pratećih elemenata, pražnjenje kada, te odvoz i konačno zbrinjavanje otpadnog mulja i taloga, kao i opasnog otpada sa lokacije „DELING“ d.o.o. Tuzla može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.12. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.13. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.14. Osigurati priručna sredstva za brzu intervenciju u slučaju nekontrolisanog rasipanja i isticanje tečnog opasnog otpada i naftnih derivata, kako bi se spriječilo moguće onečišćenje voda i tla.
- 3.15. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 26. stav (1) Uredbe o uslovima ispuštanja otpadnih voda u okoliš i sisteme javne kanalizacije sa rokom važenja do 19.12.2023. godine uz uslov da se aktivnosti obuhvaćene tačkom 3. dispozitiva rješenja u cjelosti poštuju.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „DELING“ d.o.o. Tuzla obratilo se ovoj Agenciji sa zahtjevom broj 1346-09/21 od 22.11.2021 godine, za donošenje rješenja o vodnoj dozvoli za ispuštanje tehnoloških otpadnih voda sa lokacije poslovno-proizvodnog objekta- pogona za proizvodnju metalske i elektro opreme, izgrađenih u naselju Sići, Tuzla, na zemljištu označenom kao k.č. 3898/1, 3900/1, 3897/1, 3897/2, 3897/4, 3897/5 i 3903 K.O. Plane, Grad Tuzla.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o izmjenama podataka u sudskom registru broj: 032-0-Reg-18-000059 od 16.01.2018. godine izdat od strane Općinskog suda u Tuzli-ovjerena kopija;
- Ovjerena kopija Uvjerjenja o poreskoj registraciji od 02.06.2006. godine, izdatog od strane Porezne uprave-Kantonalni ured Tuzla;
- Dokaz o uplaćenju upravnoj pristojbi i administrativnoj taksi;
- Kopija Rješenja o odobrenju za građenje objekta (hala 1 i hala 2) broj: 06/2-23-7191/2014 od 21.01.2015 godine datog od strane Službe za prostorno uređenje i zaštitu okoline, Grad Tuzla;
- Kopija Rješenja o odobrenju upotrebe objekta (hala 1 i hala 2) broj: 06/2-23-1372/2015 od 10.04.2015 godine datog od strane Službe za prostorno uređenje i zaštitu okoline, Grad Tuzla;
- Kopija Rješenja o odobrenju upotrebe objekta (hala 1 i hala 2) broj: 06/10-23-005735/07 od 26.06.2007 godine datog od strane Službe za prostorno uređenje i zaštitu okoline, Grad Tuzla;
- Kopija Rješenja o ispunjavanju uslova za rad broj: UPI/03-19-2-462/21 od 14.09.2021 godine od strane Federalnog ministarstva prostornog uređenja;
- Punomoć za Hodžić Enesa uposlenika kod pravnog lica „DELING“ d.o.o. Tuzla;
- Obavještenje broj: 06/6-19-4555-2020 GJB od 13.04.2020 godine od strane službe za prostorno uređenje i zaštitu okoline, Grad Tuzla;
- Saglasnost broj: 7292/21 od 03.12.2021 godine od strane JKP „Vodovod i kanalizacija“ d.o.o. Tuzla;
- Elaborat o ispitivanju kvaliteta i kvantiteta tehnoloških otpadnih voda „DELING“ d.o.o. Tuzla, oktobar 2019 godine, urađen od strane „Institut za hemijsko inženjerstvo“ d.o.o. Tuzla;
- Prateći/transportni list o zbrinjavanju otpadne vode iz sistema za odmašćivanje br. 221-04/22 od 11.02.2022 godine od strane KEMEKO-BH d.o.o. Lukavac;
- Prateći/transportni list o zbrinjavanju otpadne vode iz sistema za odmašćivanje br. 221-04/22 od 11.02.2022 godine od strane KEMEKO-BH d.o.o. Lukavac.

B. Tehnička dokumentacija

- Glavni projekat sakupljanja, tretmana i ispuštanja otpadnih voda sa prikazom postojećeg stanja, za poslovni objekat pravnog lica urađen od strane „TQM“ d.o.o. Lukavac, februar 2022 godine,
- Studija za izdavanje prethodne vodne saglasnosti za poslovni objekat u naselju Šići, Tuzla za pravno lice „DELING“ d.o.o. Tuzla.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 28.02.2022. godine izvršen uviđaj na predmetnoj lokaciji poslovnog-proizvodnog objekta - pogona za proizvodnju metalske i elektro opreme o čemu je sačinjen Zapisnik o uviđaju broj: UP-1/21-3-40-565-5/21.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija premetnog poslovnog objekta se nalazi između regulisanog korita rijeke Jale (sa južne strane) i magistralne saobraćajnice Tuzla-Doboj (sa sjeverne strane) te između postojećih privrednih objekata u naselju Šići kod Tuzle.

Snabdijevanje vodom predmetnog poslovnog objekta se vrši putem priključka na gradski vodovodni sistem kojim upravlja JP „Vodovod i kanalizacija“ Tuzla.

Kompleks čine: Objekat zgrada uprave, proizvodne hale „1“ i „2“ prizemne spratnosti i dograđenog poslovnog objekta koji čine tri (3) proizvodno montažne hale (hala 3, hala 4 i hala 5).

Linija za plastifikaciju se sastoji od: kombinovanog uređaja za hemijsku pripremu, sušnica vlage, komora za nanošenje premaza, peć za polimerizaciju, transportne staze i kolica za vješanje i ostali prateća oprema.

Kombinovani uređaj za hemijsku pripremu se sastoji od tunela sa sprinklerima i kada za hemiju/vodu (4 kade).

Kada 1 za aluminij- zapremine 2000 l, pH korektor, radni parametri 3,2-3,8 pH i temperatura 45-70 °C.

Kada 2 za čelik-zapremina 2000 l, pH korektor, radni parametri 3,9-4,7 pH i temperatura 45-70 °C.

Kada 3 i 4 za ispiranje-zapremina 2000 l, sadržaj kade je voda i temperatura 45-70 °C.

Tehnološke otpadne vode nastaju u postupku pranja i ispiranja metalnih dijelova. Maksimalni kapacitet je 10 ciklusa u smjeni a pogon radi u dvije smjene. Potrošnja praha je cca 20-40 kg. Izmjena vode se vrši u prosjeku svakih 14 dana a što ovisi o količini tretiranog materijala. Nekad se pražnjenje vrši i češće a nekad i rjeđe.

Trenutno na lokaciji ne postoji riješen sistem prikupljanja tretmana i ispuštanja tehnoloških otpadnih voda te se zbrinjavanje istih vršilo od strane ovlaštene firme.

Kade za hemiju/vodu su smještene u betonsku kadu koja ima preliv za eventualne incidentne situacije. Prliv je spojen sa kanalizacionim sistemom za oborinske vode sa platoa predmetnog objekta a koje se tretiraju na separatoru masti i ulja. Ispuštanje ovih voda se vrši u rijeku Jalu.

Podnosilac zahtjeva je izradio projektnu dokumentaciju sa predviđenim tehničkim rješenjem tretmana i ispuštanja tehnoloških otpadnih voda. Na lokaciji je planirana izgradnja objekta u kome će biti smješteno postrojenje.

Do izgradnje uređaja za tretman tehnoloških otpadnih voda podnosilac zahtjeva će i dalje tehnološke otpadne vode zbrinjavati od strane ovlaštene firme.

U montažnim halama se vrši mehaničke obrada materijala i u istim u proizvodnji se ne koristi voda. Čišćenje hala se vrši suhim putem. Otpad se zbrinjava od strane ovlaštene firme. U svim prostorijama su urađeni vodonepropusni podovi.

Na lokaciji se vrši skladištenje nafte u rezervoaru odgovarajuće namjene, kapaciteta 1000 l.

Iz izvještaja o monitoringu kvaliteta i kvantiteta tehnoloških otpadnih voda „DELING“ d.o.o. Tuzla, oktobar 2019 godine, urađen od strane „Institut za hemijsko inženjerstvo“ d.o.o. Tuzla, kao i rezultata korištenih u projektnoj dokumentaciji a koji su bili osnova za odabir tehničkog rješenja tretmana tehnoloških otpadnih voda, utvrđeno je da rezultati ispitivanja uzorka za vrijednosti parametara temperatura, pH, HPK, BPK, ukupni azot, ukupni fosfor, željezo i toksičnost prelaze granične vrijednosti definisane u prilogu 28. Uredbe o uslovima ispuštanja otpadnih voda u okoliš i sisteme javne kanalizacije.

Uz zahtjev za izdavanje vodne dozvole dostavljen Dinamički plan u skladu sa Uredbom u kome je dat spisak konkretnih aktivnosti za smanjenje emisija otpadnih voda, te rokove u kojima će pravni subjekt realizirati pojedine aktivnosti.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „DELING“ d.o.o. Tuzla ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „DELING“ d.o.o. Tuzla, Šići bb, Tuzla (Prilog-tehnička dokumentacija pod tačkom B obrazloženja Rješenja)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava